

CHARLES

V.

à Paris, le 10.  
d'Août 1374(a) *Lettres qui ordonnent qu'il sera fait une Fabrication d'Espèces à la Rochelle; & qui renouvellent les anciennes Ordonnances sur les Monnoyes.*

CHARLES par la grace de Dieu Roy de France. Au Gouverneur de la Rochelle, & Bailly des Exempeions, ressors & droictz Royaulx des Seneschauccées de Xaintonge & Angomois, & es ressors d'icelles, ou à son Lieutenant: Salut. Comme pour le temps que Edoiard d'Angleterre nostre Adversaire tenoit en son obéissance toute la Duché de Guyenne, il eust fait faire & ordonner ses Monnoyes en icelle; & de nouvel ledit pays ou la plus grant partie d'iceluy, soit revenu à nostredite obéissance, lequel est tout peuplé & rempli des Monnoyes de nostredit Adversaire & d'autres, si comme Nous avons entendu; qui est en nostre prejudice, & seroit encore plus se briefvement n'y estoit pourveu de remede convenable,

(1) Savoir faisons que pour le évident prouffit de Nous & dudit pays, & afin que noz bons & vrais subgectz d'iceluy, soient & puissent estre rempliz de noz bonnes Monnoyes que Nous faisons faire à present, Nous avons ordonné par grant deliberacion de nostre Conseil, que en nostre Monnoye de la Rochelle, soit faite autelle & semblable Monnoye comme Nous faisons faire en noz autres Monnoyes; c'est assavoir, Deniers d'Or appelez Deniers d'Or fin aux Fleurs de Liz, lesquels ayent cours & soient prins & mis pour xx. Sols Tournois la Piece, & non pour plus; & Blancs Deniers que Nous faisons aussi faire à present, pour v. Deniers Tournois la Piece, & non pour plus; & petiz Parisis & petiz Tournois que Nous avons semblablement ordonnez à faire, pour ung Denier Parisis & pour i. Denier Tournois la Piece; & les Francs d'Or fin que nostre très-cher Seigneur & Pere que Dieu absoille, fist faire & Nous, ayent cours & soient prins & mis pour xvi. Sols Parisis la Piece, & non pour plus, comme pieça nostre dit Seigneur l'ordonna; & toutes autres Monnoyes qu'elles soient, tant d'Or comme d'Argent, ne soient prinsees ou mises en<sup>a</sup> à part ou couvert, de quelque personne que ce soit, pour aucun pris, fors au Marc pour Billon, sur peine de perdre toutes icelles Monnoyes que l'en trouvera prenant ou mestant.

<sup>a</sup> publiquement ou  
secrettement.

(2) *Item.* Que nulz sur la dicte peine ne porte ou face porter hors de nostre Royaume, Or, Argent ne Billon, ne autres Monnoyes, fors celles ausquelles Nous donnons cours par ceste presente Ordonnance.

<sup>b</sup> à plus haut prix.

(3) *Item.* Que nulz sur la dicte peine n'achete Or ne Argent à<sup>b</sup> greigneur pris que Nous faisons donner en noz Monnoyes.

(4) *Item.* Que nulz Changeurs ne puissent garder plus de quinze jours le Billon, soit d'Or ou d'Argent, qu'ilz acheteront, qu'ilz ne le portent ou facent porter à la plus prouchaine de noz Monnoyes du lieu où ilz tiendront leur domicile, ou le vendent à Changeurs dont ilz soient acertenez qu'ilz le portent en nosdites Monnoyes, sur peine de perdre tout iceluy Billon.

(5) *Item.* Que nulz sur ladite peine, ne soient si hardiz de rachatier ou affiner aucune matiere de Billon d'Or ne d'Argent, sans le congé ou licence de Nous ou des Generaulx-Maistres de noz Monnoyes; ne de faire fait de Change, se il n'a noz Lettres faictes depuis la date de ces presentes, dedans ung moys après la publicacion d'icelles, & que ilz soient avant tesmoignez à ce estre souffisans, par Lettres desdits Generaulx-Maistres faictes depuis ces presentes Ordonnances: toutes voies, se depuis que lesdits pais sont venuz à nostre obéissance, aucuns Changeurs ont impetré de Nous Lettres pour faire & exercer ledit fait de Change, Nous voulons que icelles leur soient vallables, pourveu qu'ilz ayent esté tesmoignez souffisans à ce par Lettres desdits Generaulx-Maistres.

## NOTE.

(a) Registre E. de la Cour des Monnoyes de Paris, folio 3. recto.

Avant ces Lettres, il y a:  
*Mandement du Roy pour faire crier & publier les Ordonnances des Monnoyes, es Seneschauccées de Xaintonge & Angemois.*

(6) *Item.* Que nulz ne s'entremectent de faire fait de Courtaige de Change, se n'est par l'ordonnance d'iceux Generaux-Maistres, ou de l'un d'eulx.

(7) *Item.* Que nulz Changeurs ne autres sur ladite peine, ne mectent, vendent ou baillent à quelque personne que ce soit, le Denier d'Or aux Fleurs de Liz dessus dit, ne le Franc d'Or, pour plus haut pris de XVI. Sois Paris la Piece; & toutes autres Pieces de Monnoye d'Or portent pour Billon à noz plus prouchaines Monnoyes, & non ailleurs.

(8) *Item.* Que nulz sur la dicte peine, ne soient si hardiz de faire aucuns Contraulx ou Marchez à sommes du Marc d'Or ou d'Argent, ne à Pieces d'Or; mais seulement à solz ou à livres.

(9) *Item.* Que tous Tabellions jurent solempnellement & sur la dite peine, qu'ilz ne feront ne passeront Lettres de Contraulx<sup>a</sup> de marchez qui soient faits par quelconque personne que ce soit, fors que à solz & à livres simplement; ce n'est pour cause de vray prest, de Garde ou de post sans fraulde, & en traictiez de mariaige & vente ou Retraict de heritaige.

(10) Et afin que ceste presente Ordonnance soit tenuë & gardée sans enfreindre, si comme Nous le desirons de tout nostre cueur, Nous voulons & vous mandons & comectons, que vous ordonnez & establisiez de par Nous ès dites Seneschaucées & ressort d'icelles, certaines bonnes & convenables personnes, qui se preignent garde que nulz trespasent<sup>b</sup> ne facent contre ceste presente Ordonnance; lesquels auront pour leur peine & salaire, la quarte partie de toutes les Monnoyes & Billon, soit d'Or ou d'Argent, qu'ilz pourront trouver & savoir prenant ou mectant, fors au marc pour Billon, ou<sup>c</sup> portent hors en esloignant la plus prouchaine de nos Monnoyes; & voulons que tout ce qui sera prins par vous ou les depputez à ce, soit tantost porté à la plus prouchaine de noz Monnoyes, & livré au Maistre d'icelle, pour estre illec fondu & monnoyé en nostre Monnoye; de laquelle l'en payera ausdits Commissaires, leur quart à culx appartenant, comme dit est.

Si vous mandons & estroitement enjoignons, que ceste presente Ordonnance vous faciez crier & publier solempnellement ès lieux notables & acoustumez des dites Seneschaucées & ès ressorts d'icelles, si bien & si diligemment qu'il ne soit personne qui le doye ou puisse ignorer; & icelle faictes garder selon leur contenu fermement sans enfreindre; Si gardez que en ce n'ait desiaut. *Donné à Paris, le X.<sup>e</sup> jour d'Aoust, l'an de grace mil CCC.<sup>e</sup> LXXIIII. & de nostre Regne le XI.<sup>e</sup>* Ainsi signé *Par le Roy.*

P. BLANCHET.

(a) *Lettres qui establisent des Reformateurs Generaux sur le fait des Monnoyes, dans le Bailliage de Tournay.*

NOTE.

(a) Voyez cy-dessus, p. 17.



CHARLES  
V.  
à Paris, le 11.  
d'Août 1374.